

PAGINA

social

Herman (Manchi) Hennep a entrega buki na Maria College



ORANJESTAD (AAN):— Dia 13 september Sr. Herman (Manchi) Hennep hunto cu KPMG a entrega Maria College trinta buki titula “Tres diferente Ruta”. E storia di tres hoben cu ta haya nan mes meti den droga y con nan ta anda cu e problema ey. Aruba tin hopi hende den droga, nos no mester pretende cu no ta berdad. E buki a haya un acogida asina grandi cu ya e prome edicion a caba y e di dos edicion a sali. Den corant por a lesa con prensa, cu a lesa e buki, a duna nan elogio riba dje. Tambe e conocido docente y conocedor di papiamento, Sr. Wim Rutgers, a duna su opinion tocante e buki aki y a papia bon di dje. E buki ta special pa hobennan di 12 aña p’ariba y tambe pa yuda hende y specialmente mayornan compronde kico esnan cu ta meti den droga por pasa aden, tambe unda nan mester bay si nan mester di yudanza.

